

556986

欽定剿平三省邪匪方略

正編

一
四
〇

一、

二、

三、

四、

欽定剿平三省邪匪方略正編卷三百四十二

壬戌年

十月初四日

壬寅

勒保奏言竊

臣

昨將總兵田朝

貴等在川北地方剿除竄匪及副都統銜達斯呼爾岱副將羅聲臯等將藍白二號竄匪在何家山大柏垭等處分路斬獲各情形具

奏在案維時達斯呼爾岱羅聲臯等剿散之賊尙有三百餘人經官兵剿散卽分作四五起各路

竄逃而梁萬一帶又有另股賊匪一起游奕滋

擾是以^臣二十一日在夔州府拜摺後即於次

日起身移營梁萬一帶督剿一面飛飭達斯呼

爾岱等及叅遊各將分帶兵勇將前在何家山

大柏壩剿散之賊上緊殲除茲據稟稱該將等

遵照分兵以叅將蕭鳳來都司文自新等為一

路遊擊馬成林都司邱鳳岐等為一路遊擊羅

思舉陳弼等爲一路達斯呼爾岱羅聲臯等自

爲一路分投探賊剿辦十六日蕭鳳來等帶領

官兵行抵糴粃店探得有賊匪四五十人在營

渠交界一帶竄走蕭鳳來卽率同都司文自新

守備周吉圖楊杰等兼程前進追至黃草坪將

賊圍住殺斃賊十六名生擒十七名查訊獲賊

係白號張子聰餘黨內有僞先鋒歐之新戰手

王有元等八名就近解交營山縣其舒登連等
八名訊係附近被脅難民卽時釋放尙有賊目
李總兵帶領餘匪七人向沈家坪一路奔逸適
有辦理團練委員席溥帶領寨勇截殺將李總
兵等八名全數殲斃此起並無一名漏網其馬
成林邱鳳岐之兵於十四日至方登寨地方探
有賊匪一股在亮埡子屯歇馬成林與邱鳳岐

卽分兵兩路抄上山梁該匪正在舉火造飯官
兵乘其不備兩面擄上山梁鎗矛並舉殺斃賊

匪十六名生擒三十八名查訊獲賊內有偽總

兵鮮倖字黃開元二名據供係白號張元帥股

內之賊近在岳家寺被官兵衝散該犯等帶領

五十餘人分路逃竄臨陣被擒等語當將所獲

賊匪解交巴州查收審辦該遊擊等仍移兵探

賊進剿十七日行抵福祿寺探得有賊匪六七
十人由朝陽峒竄來馬成林邱鳳岐仍分帶兵
勇迎擊賊匪遙見官兵卽折回竄走我兵奮力
追趕殺斃十三名生擒六名獲賊內有黃正孝
一名訊係老教戰手卽行正法餘俱落後難民
概行釋放餘匪尚有四五十人該遊擊等仍緊
躡前進以期全數肅淨又羅思舉陳潤等一路

兵勇十三日行抵江口探得賊匪百餘人在康
家溝屯紮羅思舉與陳弼分兵乘夜進發戊刻
兵至賊屯之處賊卽驚惶四竄羅思舉陳弼分
兵圍住殺斃三四十名生擒二十六名餘匪三
四十名向江口鎮遁逃適有該處巡檢韋暹率
領團勇施放鎗礮攔路堵截該匪前後被剿無
路可逃當卽盡數撲河淹斃查訊活賊內有僞

總兵羅道雲僞先鋒沈文學韓勝三名其餘皆

係戰手又據該匪羅道雲等供稱此股內有黑

將軍吳有鳳一名係王三槐所封賊目本日亦

跳河淹斃等語羅思舉當將活賊交巡檢韋暹

收明轉解巴州聽候審辦羅思舉與陳弼仍分

兵探剿十五日陳弼帶兵至東鄉所屬之雙廟

場探得馬家溝有賊匪八九十人陳弼連夜進

兵賊已起竄清溪場一帶陳弼跟蹤緊躡至姚家壩趕上賊匪該匪見兵勇無多認爲寨勇竟敢抗拒抵敵陳弼督率兵勇奮力圍捕殺斃賊五十二名生擒四十二名活賊內有僞先鋒王步雲一名據供係藍號王土虎之姪所帶九十餘人近來陝楚邊界老林與白號餘匪湊合來川連日被兵剿散分路逃竄茲被全寢殲擒等

語陳弼卽將所獲賊匪解交東鄉縣收明轉解
查以上官兵殲擒各起賊匪均係達斯呼爾岱
羅聲臯等前在川北剿散之賊此起餘匪不過
三百餘人計此次各路分兵剿殺計有三百餘
人所剩僅有七八十人無難剋日殲淨惟訊據
賊供內有白號張元帥恐卽是張簡該犯爲張
子聰之姪亦屬現存餘匪內緊要賊首臣現飭

各鎮將上緊探蹤追捕勿任漏網再叅將桂涵

一路官兵

臣

正調令馳剿梁萬竄匪茲據稟報

該將於未接

臣

札調之先探得太平舊縣壩一

路有賊匪一股二百餘人向東鄉竄來桂涵卽

帶兵迎剿十四日行抵金雞壩該匪正在黃石

板一帶滋擾桂涵卽於是夜帶兵前進四更後

至馬鬃嶺與賊相距不遠桂涵與遊擊程元龍

都司周士貴分兵三路並進賊匪並不知有官

兵前來我兵三面圍擊鎗箭並發殺斃賊匪五

十餘名生擒一百十八名奪獲賊旗賊矛無數

餘匪尙剩三四十人鑽林越箐四竄無蹤查訊

此股賊匪係黃號龍紹周餘黨僞千總苟思正

爲首自上年龍紹周被兵殲斃該匪卽在陝楚

川交界老林竄匿所帶均係青藍黃白各號剿

散之賊桂涵當將活賊交太平廳轉解查以上
各路所擒賊匪因路遠尙未解到臣統俟逐起

提到審明分別辦理再此股賊匪竄近東鄉時
有總理團練知府趙秉淵分督各委員策勵團
勇四路截擊有蓼葉灣團勇趙俊等奮力殺斃
賊匪十餘名趙俊被賊用刀砍落兩手適桂涵
一路官兵追至救回賊匪竄過後坪又有委員

周軼羣率領團勇截擊生擒旗手苟正德一名
殺斃賊匪十一名賊至鷹背場又有委員溫揚

照率同團勇追擊殺斃賊匪五名團勇亦間有

受傷據報前來臣已批飭該守趙秉淵查明照

格分別獎賞臣查前此自楚竄入川省腹地之

賊二起一起由川東被兵追剿竄走川北一起

現在梁萬一帶游奕此時竄走川北之賊節經

臣飭令達斯呼爾岱羅聲臯等分兵剿辦茲被
各官兵分路殲除並擒斬賊目多名所剿無幾
尅期可盡惟梁萬一帶竄走之賊爲數稍多

臣

前已飛調達勒精阿武隆阿一路官兵計日內
即可趕到現又騰出羅思舉陳弼及桂涵之兵
均調令前來協剿此起彼賊匪刻下雖勢稍鴟張
一經官兵雲集痛剿一兩仗即可集事其邊境

竄匪二股一在太平一帶似卽係此次桂涵所
剿之賊一在大寧新田壩一帶經副將鄭啟貴

追剿該匪卽遁入老林此起不過二三百人俟

腹地一清再添兵搜捕亦無難剋日殲除此外

大寧巫山邊界近日均無賊匪竄入臣本日行

次萬縣拜摺後卽馳赴梁山督率各官兵探賊

速剿奏入

上命軍機大臣傳諭勒保曰此次藍白二號竄匪三百餘人經官兵剿散後分作四五起隨路逃竄勒保飭令各將領分投探剿在營山巴州東鄉等處各路剿殺多有斬獲共計三百餘人所剩僅有七八十人無難剋日殲淨又太平舊縣壩賊匪二百餘人亦經桂涵等三面圍擊擒斬一百五六十名餘匪祇剩三四十人看來川北已無成股賊匪惟

梁萬一帶尙有另股竄匪勒保已移營到彼督剿
並飛調達勒精阿武隆阿及羅思舉等前往協剿
亦不難立就殲除此時川境賊數較前已覺減少
惟天氣日漸寒冷勒保務當嚴飭帶兵各員趕緊
剿辦於十月內一律肅清如果川省境內實無餘
匪而他省亦斷無竄至之賊必須中有把握方可
遵照前旨馳遞紅裏黃面奏摺否則寧可稍待不

得因急欲見功致辦理少有草率總須於迅速之中力求妥善爲要其川省賊數勒保當遵照昨旨於每次奏報打仗殺賊摺內將該省餘剩賊匪尙有若干開明總數隨時具奏所有此次打仗被賊砍落兩手之團勇趙俊甚爲奮勇著賞給七品頂戴如已有頂戴加一等賞給倘傷重身亡卽奏明

賜卹

初五日

癸卯

額勒登保奏言竊

臣

昨將截剿由楚

竄陝賊匪斬獲過半餘匪逼入川境並分兵趕

剿緣由奏

聞在案

臣

因各該匪等勢均窮蹙萬分一經各路官

兵趕剿亡命狂奔未免乘虛闖入陝境必須暫

紮隨地籌顧是以於拜摺後仍督率扎克塔爾

格布舍帶兵在於安平交界嚴密探剿以防各

殘匪窺伺續據川省文武稟報前竄廣南境地

之張簡湯思蛟股匪因副都統銜達斯呼爾岱

副將羅聲臯帶兵跟蹤緊躡未予以暇該匪不

敢停留仍折向南巴境內有向東南奔竄之勢

副都統銜達斯呼爾岱副將羅聲臯仍追躡向

前查穆克登布等連日帶兵西發當已可抵西

鄉太平邊界尙未接據稟報情形

臣

已飛行知

照穆克登布隨行隨探無論何股賊匪竄近不

分疆界卽予痛剿並顧定陝疆由西向東轟剿

以期逼歸一處會合兵力掃除其奔竄洵白交

界之熊翠熊方青股匪經副都統富翰副將呢

瑪善帶兵在大金河剿殺之後所餘不過一百

數十名二十三日據副都統富翰副將呢瑪善

稟報該匪分爲兩股一股向楚境逃竄一股由

真福洞南竄富翰呢瑪善督兵趕剿於十六日

追至七里關探悉該匪在四季溝山上老林內

藏匿查該處山路陡削馬不能行當派將備分

帶步隊兵勇齊上仰攻該匪憑高望見卽翻山

逃竄我兵亦翻山跟躡追殺數十里共斃數十

名生擒二十四人解送德楞泰軍營訊辦查此

股分竄零匪已經剿殺殆盡惟賊目熊翠熊方

青帶領餘匪分逃必須乘勝追殺將該匪等或
子殲斃或子生擒想德楞泰自己就近派兵趕
辦並據洵陽縣知縣嚴如煜稟報十六日該縣
紅岩寨民張允公等見有賊匪竄過隨糾同劉
思學王玉等率衆下寨追殺擊斃賊匪二人生
擒賊匪一名救出難民七名又該縣陳家寨民
陳步化馮學新率衆在寨外要隘防守見有賊

匪十數人竄過當經鎗斃數名生擒一名經該

縣錄供呈送前來

臣

逐加查核均係熊翠股內

剿潰分散之賊當卽飭令正法並將獲賊寨民

按名給予賞銀俾衆益知鼓勵隨地嚴搜又據

都司柯藩稟報防守太平灣等處守備王英探

有零匪竄近當派兵勇追捕生擒賊匪六名餘

衆由水碓子竄去查訊卽係都司李勝林在左

柔絡河追散之王姓餘匪亦經分飭辦理訖是
刻下各處川楚連界及西紫地方均有官兵分
投探剿可以不致疎虞現又飭知賽沖阿喜明
等督率營卡官兵隨時嚴密搜剿俾零匪無從

匿跡

臣

連日率師由藺河口月兒壩石廟子豐

口壩進發途次接據探報楚境戴四崔胡股匪
被剿後有趨全河之勢德楞泰督率官兵由竹

谿會灣跟追並令副都統富僧德總兵蒲尙佐
帶兵由陝境曾家壩花園一帶向東抄截該匪
深知兩路大兵分道追截未敢西趨仍由九道
梁彎腰樹一帶向東奔竄已入房縣境內德楞
泰現督率溫春馬瑜等帶兵取道火燒坪緊追
並札調富翰呢瑪善一路官兵前往分道趕剿
等情

臣

查刻下楚境賊匪惟戴四崔胡一股人

數稍多且係積年渠惡自應先行剿辦德楞泰
現已帶兵追躡自必專注此股不遺餘力或該

匪被剿狂奔必仍向西竄臣刻已行抵八卦廟

隣近楚邊拜指後卽擬向關陽坪石板河豐溪

一帶進發一臣探剿附近零匪設伏以待如戴

四崔胡股匪經德楞泰火兵剿潰西來臣卽可

迎頭夾擊倘能仰仗

天威於旬日之間先將戴四崔胡首夥辦竣則其餘

皆屬零星攢聚之衆更無難以次逼掃

臣等卽

可就近會晤商籌奏報葢功並據勒保來信知

首逆張長青率同黃號賊目李學坤等首夥全

數投出勒保已遵

旨免死安插伏查疊奉

諭旨凡自賊中海罪投出者無論首從均免死安插

臣
欽遵出示曉諭已不啻再三而該匪等怙惡

不悛投出者終屬寥寥今張長青等首夥投出
至一百數十人之多可見賊匪實已萬分敗殘
皆欲自尋生路尤足爲戡功預兆

臣實深慶幸

之至現已將張長青全股投出免死緣由詳悉
出示曉諭俾零匪聞風益知解散尤可不煩兵
力迅速蒞事至揚遇幸督剿山內餘匪情形并

現派各鎮將各分段先清東面緣由昨經慮
齡詳悉奏

聞在案臣查南山餘匪惟恃零星分匿牽綴官兵自
應肅清一處再辦一處但山內氣候已屆寒冷
該匪等必向西竄去昨靳張股匪剿散後或三
五人十餘人已零星西竄因官兵趕剿是以在
老林遁跡昨據督辦寨堡漢中府知府趙洵稟

報委員張錫祺搜獲賊目一名李明剛訊係與
未獲之唐貴等七人逃出與人傭工茲經搜獲
等情李明剛本係賊中偽總兵頭目現已帶領
餘匪逃散其餘零匪自必欲向西奔所有秦嶺
四十五
太白山老林尤須嚴密緊顧楊遇春已經派令
侍衛哈豐阿都司趙有倉等前往與格布舍所
留之叅將張奉廷遊擊李朝顯張聯奎帶兵隨

地搜捕自可無虞臣尤恐哈豐阿等未能熟悉

情形且慮呼應不靈已札知楊遇春必須親身

前往督剿或於總兵李應貴楊芳二員內酌派

一人前往帶兵於搜剿庶更爲得力總期於旬

日內外搜捕淨盡肅清南山奏入

上命軍機大臣傳諭額勒登保曰此次張湯熊玉各

股殘匪在陝省邊境逃竄經各路將領及地方寨

勇隨路搜拏均有斬獲至楚境戴四崔胡股匪所
有德楞泰及富僧德等兩路大兵分道追截未敢
西趨仍由九道梁折向東奔竄入房縣境內額勒
登保以楚境賊匪惟此股人數較多且係積年渠
惡應先行剿辦仍移師鄰境楚邊向石板河一帶
進發一面探剿附近零匪設伏以待自應如此辦
理此時各股賊匪知有經畧帶兵前來必不能向

該處逃竄若額勒登保深入楚境該匪聞知又思繞竄入陝竟當在楚省邊界地方掩旗息鼓使賊

匪不知有經畧大兵在彼誘令竄近方可一鼓殲

擒現在德楞泰緊躡追剿或該匪被逼西竄額勒

登保正可迎頭截擊兩面夾攻更易集事至摺內

稱先將此股辦竣則其餘零星攢聚之衆無難以

次掃除額勒登保卽就近會晤商籌奏報蒞功一

節額勒登保身任經畧非如勒保惠齡專司川陝

者可比伊二人若能將本境賊匪剿盡並鄰省亦

無竄入之賊自即可馳遞黃摺喜音至額勒登保

於軍務全局總須通盤籌畫如崔戴等逆悉數殲

除並須探明三省零匪餘剩無幾或成股之賊均

係殄除祇剩首逆一二人隻身逃竄不能再行糾

集成股方可馳遞黃摺將一二餘匪交地方官隨

時搜捕此時且不必亟與德楞泰等會晤商辦具
奏黃摺也惟目下已交冬令氣候漸寒卽額勒登
保摺內亦稱山內寒冷若稍有遲延將來又恐以
冰雪凝滑爲詞額勒登保務當上緊趕辦並行催
楊遇春等將南山零匪搜拏淨盡速覈大功佇膺
懋賞

初八日

丙午

德楞泰奏言竊

臣

前由竹谿之泉河

前進將戴四崔胡賊股截逼折向東南駟馬岡

奔逃分飭各路趕緊剿辦各緣由於二十二日

具報後

臣

督率溫春色爾滾富登阿馬瑜等接

續繼進二十三日途次接據總兵吉林秦李天

林稟報帶兵緊躡賊踪二十日探得該逆屯於

大團包三鼓進發兵行三十餘里天甫黎明抵

紉子坪時微微小雨賊匪遙見官兵追來先行

狂奔李天林督率叅將毛秉剛楊安都司張大
勲張天仲等各帶兵勇由大東溝抄出大團包

趕上賊尾奮力剿殺立斃賊四十餘名擒獲活

賊朱文光等三十六名正追剿間大雨密霧咫尺

莫辨山勢陡險道路溇滑未能前進訊據獲

犯朱文光等供稱是戴四掌櫃賊股元帥是崔

宗和胡明元兩個現在共有五六百人馬驟有

五六匹見湖廣的兵多大家商量要到陝西

去走到郭家洲又有官兵迎來纔折回要想過

四川今早望哨的看見有官兵又趕來了就叫

衆人快走不想官兵趕過山來把我就拏住了

他們也沒有一定主意總是打聽沒有兵的地

方就去等語訊明朱文光等十四名均係矛手

當卽正法其餘難民黃廷國等二十二名概行

照例省釋旋探餘匪由蝦蟆洞向瓦桑河東逃
仍卽緊跟前追等情二十五日接據副都統富
翰托爾托保副將呢瑪善朱士奉等稟報帶兵

由葛藤口右抄二十三日辰刻抵招風巖探得
賊匪由茅古坪走乾溝蕭家坡有竄雞心嶺之
勢富翰托爾托保等卽帶馬步兵勇取道迎截
及至馬鬃嶺山頂繞過蕭家坡山梁已截住雞

心嶺之路適有賊探五名當被前敵兵勇殺斃
三名生擒一名尙有一名滾巖而逃遙見賊衆
已由蕭家坡而來尙隔深溝一道當卽疾馳趕
剿詎賊知官兵抄截先已上南面大山翻過火
燒庵山梁官兵直追至簸箕山沿途共殺賊二
十餘名生擒十二名餘匪遁入核桃園老山該
處石坎橫木馬力難施派令叅將王占鰲遊擊

李東宣等帶步隊兵勇跟追馬隊仍回原路抄

出核桃園沿途又殺賊十餘名擒獲賊匪八名

訊明賊探李會林並牙手蘇得貴等十四名正
法其難民曾敏中等六名照例省釋等情二十

七日又據吉林泰李天林稟報探得該逆由川
界折回鑽入白梨樹垭老林有向鐵浴河之勢

李天林等卽帶步隊兵勇入山追剿吉林泰等

帶領馬步隊伍由大路前進約於桐木園會合
李天林帶兵突入逆衆一見官兵驟至自將馬
驟戳死三十餘匹其餘盡行丟棄鑽入密林四
散奔走兵勇刀矛不能施展只殺賊十餘名當
卽分兵四出在於廟嶺老虎溝荆竹園王家溝
搜剿共獲賊五名查探該逆等竄踪向老木孔
南逃滾巖跌死者不少共獲刀矛一百餘件并

獲犯一併押解來營富翰托爾托保等恐其東
出上龕卽帶兵先爲堵擊臣兵抵平渡河拏獲

賊探周大華訊稱戴四崔胡等逆連日被各路
官兵剿殺並沿途渙散外只剩三百餘人竄至
老林朱家溝一帶屯聚相離不過三四十里等

語臣當派馬瑜副將馬應國叅將王玉龍遊擊

劉彪楊登魁等帶領步隊兵勇連夜趕赴東面

之太平寨進剿令溫春富登阿總管蘇卿阿副

總管珠山副將何君佐叅將馬文斌遊擊汪澆

等帶兵勇由西面艾家垭進剿臣督同色爾滾

侍衛慶昌協領德寧阿佐領達什副將達自祥

等由溝底中路自北而南進發三路官兵於五

鼓後齊抵朱家溝腦因雨霧交作賊匪毫不知

覺查該處溝底係傍老山原有百姓草房兩所

逆衆屯住於內黎明時三路兵勇突進刀矛亂

殺賊衆登時驚潰當斃賊匪四十餘名生擒三

十餘名搶獲刀矛旗幟衣物極多餘匪盡扒進

老林逃遁其半山尙有草房三處所屯之賊聞

官兵剿殺先已竄入箐林馬力難施臣當令馬

瑜等帶領各路將備步隊兵勇入山跟踪分投

搜捕臣督同溫春色爾滾富登阿等將馬步隊

分布於林外扼住北面一帶查該處老林絕無人徑延亘二百餘里東南係上龕彎腰樹舉人坪正東係木耳溝富翰等現在上龕一帶扼截

臣

飛飭令其帶馬隊前往分投堵剿並令呢瑪

善朱士奉等抽出步隊兵勇分路入林自東南向西北搜捕吉林泰李天林等現在桐本園一帶相離木耳溝數十里卽令該鎮等帶馬隊前

往者截抽出步隊兵勇自東向西搜捕飭令到處遍搜務須三路會合二十九日馬瑜等解送

活賊艾應年等三十二名耳記二十三副三十

日馬瑜等又解到活賊劉讓等十九名耳記十

八副其富翰吉林泰兩路相距臣百里之外此

時有無搜獲匪犯尙未解到訊據偽總兵李玉國供係襄陽人這戴四掌櫃名叫戴世傑是我

師傅他和齊二師傅姚之富起事後來齊二師
傅姚之富都被官兵殺了他就另爲一股這幾
年在甘肅陝西四川湖北各處擄掠我就做了
總兵那崔宗和胡明元是張漢潮營裡的張漢
潮被官兵殺了他們自己做了元帥後來就與
戴四掌櫃合了夥如今見各處都是官兵同教
的人殺的沒有什麼了大家害怕只有進老山

裡去藏躲等語除將李玉國斬留以便指認獲

犯首夥外其劉讓等六十三名或係襄陽教匪

或係元二年間戰手均卽分別懲割正法其難

民楊國順等十八名照例省釋查楚省賊匪戴

四崔胡只剩一百餘人臣現在分兵搜捕諒亦

易於集事其巴東興山一帶尙有陳姓賊股四

五百名在彼游奕並熊翠餘匪百餘人此外百

十爲羣數十結黨零匪亦不過兩三起約計楚

境現有賊匪不過千餘人各處林內或有藏匿

零匪未能周悉者諒亦無幾又查富僧德蒲尙

佐臣前令其由曾家壩泉溪扼住左手而來茲

戴四等逆業被剿剩無幾已有各路兵力遍搜

足敷剿辦是以臣卽令其取道官渡房縣前赴

與山巴東一帶探剿陳姓賊股惟此處林深寬

大而兵力分布搜捕恐難遍及該逆等或有逃
出箐林諒亦不能免脫遠颺臣俟將戴四等逆
辦竣卽分兵數路四出搜洗零匪總期全楚迅
速戡定仰紆

聖厪至德昌都當阿所追熊翠殘匪百餘人相距已

遠此時是否辦竣日來未據稟報臣亦已飛飭

嚴催趕緊剿辦矣此次剿賊各路兵勇並無帶

傷陣亡之人合併聲明再臣前在竹谿滙灣總

兵孫清元扶掖來營稟見據稱被馬踢傷左足

雖未傷骨腫痛不能乘騎請假醫治等語臣親

驗屬實察看該鎮暫難帶兵追剿卽令其就近

赴竹谿縣城醫治調理其所帶馬步兵勇當卽

飭交副都統衙門托爾托保副將呢瑪善朱士奉

管帶奏入

上命軍機大臣傳諭德楞泰曰戴四崔胡等逆股匪

本有五六百人此次經德楞泰分飭吉林泰李天

林富翰等連日截剿剩有三百餘人德楞泰復督

同溫春等扼要截擊多有斬獲現在此股賊匪只

剩一百餘人無難卽日掃除其熊翠餘匪尤屬無

多現有德昌等追剿亦易辦淨惟巴東興山一帶

尚有陳姓股匪四五百人爲數稍衆德楞泰將戴

四崔胡等逆悉數殲除後卽應移師巴東興山督
率富僧德蒲尙佐等注定陳逆一股奮力剿擊刻
日殲除淨盡此股賊匪辦竣後其餘百十爲羣者
只有兩三起更可以次搜淨彼時楚省大局已定
川陝更無闖入之賊德楞泰卽可會同吳熊光用
紅裏黃面摺奏報全楚戡定捷音渥膺懋賞至摺
內稱各處林內或有藏匿零匪未能周悉者諒亦

無幾等語此則不可大意湖北鄖宜一帶多係大

山老林刻下自無成股之賊在彼潛藏或有零星

散匪十數爲羣遁入其中若不淨絕根株仍恐其

復行糾聚德楞秦等奏報蕨事後當分派得力鎮

將帶領官兵將竹谿竹山房縣興山歸州巴東等

處老林以次排搜務須深入林內遍處躡捕實在

搜除絕迹方可先撤鄉勇次撤官兵爲一勞永逸

之計彼時額勒登保德楞泰再會同川楚陝甘督
撫詳議章程每年三省派出提鎮大員於川楚陝
交界各老林內定期會哨一二次奏明遵照辦理
方爲妥善

同日吳熊光奏言竊臣於九月二十三日將各

路兵勇截剿熊翠股匪並搜剿分竄餘匪緣由

恭摺奏

聞在案查熊翠賊股自叅贊德楞泰剿敗北竄後總

兵孫清元副將呢瑪善等復疊加截擊所剩不

過百餘人經德楞泰派令總兵德昌帶兵專剿

茲據該鎮稟稱熊逆餘匪被剿窮蹙晝夜狂奔

該鎮帶兵追至廖家溝迎遇賊踪該匪一見官

兵上山奔竄德昌同副都統銜都當阿督率營

總和隆武叅將德興承祿都司羅綸等帶領馬

步各兵分投競進鎗擊箭射斃賊二十餘名匪
衆跳崖逃竄追擒十三名是夜該匪竄至陝楚
交界之小南溝潛伏德昌探知該處皆係懸崖

仄徑當派步隊兵勇連夜進擊該匪復向連線
河一帶狂奔官兵搜獲留後賊匪二名現探敗
逃之賊或十餘名一起或一二十名一起零星

分竄有各自逃亡之勢惟首逆熊翠尙未擒獲

德昌都當阿仍帶兵跟蹤搜剿至戴四崔胡賊

股敗竄竹谿葛籐口之後經德楞泰督兵向南

迎截並飭孫清元呢瑪善兩路兵勇繼進吉林

秦李天林亦帶兵西向兜剿該匪避兵狂奔吉

林秦李天林等於認子坪地方冒雨追擊斃賊

四十餘名擒獲三十六名該匪乘霧雨瀰漫之

際竄向瓦桑河等處副都統銜富翰同副將朱

士奉呢瑪善叅將王占鰲等探知該匪由冒古
坪一路竄走帶兵趕至甘溝口追截該匪遇兵
折竄該將等隨其所向追擊數十里殲賊三十

餘名生擒十七名該匪分股向江坪老虎垭逃
竄復經吉林泰李天林一路兵勇由瓦柔河抄
至老虎溝該匪情急遁入老林吉林泰等分帶
兵勇入林搜剿匪衆慌亂將騾馬拋棄穿林逃

逸被官兵鎗斃多名滾崖跌斃者不少吉林泰
等分派兵勇隨山搜捕擒賊十名搜獲騾馬刀
矛器械極多該匪遁赴老木孔湖溪等處吉林
泰與朱士奉呢瑪善等現在分途抄擊前進德
楞泰進至核桃園一路督剿沿途亦有斬獲該
鎮將前後獲賊已解赴德楞泰營盤審訊辦理
臣查楚省賊匪此時惟戴四崔胡一股人數稍

衆壘經剿殺勢漸窮蹙德楞泰督率各鎮將分
路兜擊當可得手惟查吉林泰等帶兵西來南
路歸巴一帶尙有零匪出沒應卽及時剿辦

臣

已酌派守備鄧興相帶領鄉勇五百名前往恐
鄉勇爲數無多不敷搜剿隨飭沿途寨勇協助

近日房竹一帶寨勇

臣

就近督飭並委各員分

投激勸尙知向義連據竹谿縣徐如灝稟報該

縣興隆寨民捕擒賊探三名秋溝寨黃隆寨民
捕獲散賊二名均經該縣訊明皆屬積年猾
賊已飭卽行正法惟是各屬寨勇就地團集多
寡不齊現在賊蹤散漫而川陝剿散零匪一見
兵遠又復乘間逸入邊界深山密林潛匿所有
成隊賊衆猶需官兵分剿方可淨絕根株如日
內德楞泰督率鎮將將戴四崔胡一股卽行剿

淨再將勝兵分路搜捕自可次第廓清目下經

畧額勒登保已駐兵陝境距楚不遠臣惟有與

額勒登保德楞泰隨時相機從長籌辦斷不敢

草率遲延以冀仰紓

聖廑再臣於九月十四二十七等日疊奉

諭旨大功將蕝糧餉供支尤關緊要吳熊光務當分

飭局員源源接濟倘所發帑項尙有不敷不妨據

實奏請勿存顧惜小費之見等因欽此仰見

皇上籌會軍儲

宵旰垂厯曲加體恤至意伏查楚省軍餉前蒙

聖恩賞撥豫省兩淮等處餉銀現已陸續解到軍務

一切支應各欸

臣

督飭局員撙節支給目前尙

屬敷用各路糧餉亦源源供運不致缺乏第查

大功告蒞在卽善後事宜中如添設營汛安撫

難民及酌賞撤出鄉勇等事已屬在在需費而
本年夏秋以來下游各屬水旱交仍民田間多
傷損且湖北省所產之米不敷本地一歲民食

向藉四川湖南客米接濟今川省軍務未竣商
販既不及從前之絡繹而湖南省本年亦因夏
間乏雨未得豐收難期更有餘米販運北省現
在武漢一帶糧價較前雖尙未騰貴轉瞬冬令

恐不免日漸增長貧民謀食艱難必需預爲籌
措第查此時距來歲麥收尙有六七月之久若
遽爾賑糴兼行不特爲日甚長難乎爲繼且恐
不肖官吏從而冒濫當此

國家多用之際臣未便就楚言楚虛糜帑金亦不

得不先事預籌致民失所除節經密致撫臣全
保隨時體察民情量爲調劑外竊恐青黃不接

之時賑糴有需是本省庫貯就地方情形已形
拮据斷難再行籌撥目下經畧額勒登保雖駐
劄禱坪專顧陝省東北但該處爲川陝楚三省
交界賊竄靡常兵行無定一經帶兵入楚糧餉
頓增若待陳奏後由他省撥餉來楚未免緩不
濟急可否仰懇

皇上天恩酌撥銀三四十萬兩交河南撫臣運存南

陽府庫備貯如楚省有需餉項接濟臣一面奏

聞一面卽知照河南撫臣就近解楚庶得及時應用

倘楚省可以無需將來卽由南陽轉撥川陝亦

屬便道臣受

恩深重惟事撙節籌備不敢稍避嫌怨致起浮冒亦

斷不肯顧惜小費貽悞機宜再臣接奉

諭旨外省調派官兵應將較遠省分如雲貴廣東廣

西之兵先行撤回俾得早歸原伍以示體卹等因

欽此臣查在楚雲貴兩省官兵業經

奏明撤回在案至兩廣官兵八月內德楞泰長齡

先後營次房縣境內臣曾與晤商以兩廣俱係

邊省又屬海疆該二省官兵似應先行籌撤維

時兩廣官兵正分赴竹谿歸巴等處進剿未及

撤出現在賊勢雖較前稍衰但蹤跡散漫分投

搜剿未免需兵較多而川省尚有未淨零匪時
逼楚界經畧額勒登保大兵又已回陝此時若
驟將兩廣官兵全數撤回恐垂成之功或因兵
力頓減又致耽延臣再四思維除兩廣傷病兵
丁已陸續遣回外所有在營之兵暫留協剿容

臣與額勒登保德楞泰察看情形俟可以減撤

時卽遵

欽定四庫全書
欽定平定回疆方略卷三十三
三十三
旨先行撤回原營不敢延緩奏入

上命軍機大臣傳諭吳熊光曰吳熊光奏官兵分投
趕剿熊戴賊股一摺據稱熊翠賊股百餘人經德
昌都當阿等連日截擊俱有斬獲現在或十餘人
一起或一二十人一起零星分竄等語此股敗殘
之賊爲數無多吳熊光務當飭令德昌等搜捕淨
盡勿令一名漏網但摺內只稱熊翠何以未經提

及熊方青該逆是否與熊翠合夥或另竄他處著
查明附奏至戴四崔胡等一股賊匪本日據德楞
泰奏到經官兵連日追剿斬獲只剩一百餘人惟
巴東興山一帶現有陳姓股匪四五百人在彼游
奕想吳熊光發摺時尚未得有此信已降旨諭令
德楞泰辦淨戴四等逆後卽前往巴東興山督剿
陳逆自無難尅日掃除此外只有百十爲羣者兩

三起更易搜淨彼時楚省大局已定卽可拜發紅
裏黃面摺奏捷音至竹谿竹山房縣興山歸州巴
東等處老林現諭令德楞泰於事定後以次排搜
或有應須寨勇幫同官兵擒捕或就近截拏之處
著吳熊光協同辦理務絕根株又據奏請撥銀三
四十萬兩運交南陽府庫存貯備用等語豫省藩
庫現有撥貯銀十萬兩南陽府庫究不如豫省藩

軍較爲慎重已降旨由兩淮浙江運庫內共撥銀
五十萬兩解豫存貯藩庫楚省如有需用若干萬
之處卽一面奏聞一面咨明馬慧裕委員解楚以
備供支又前因惠州有會匪滋事是以諭知吳熊
光將粵東在楚隨征官兵先行撤回今博羅首犯
俱經擒獲餘匪全數肅清業已無事現在楚省殘
匪未淨粵東官兵尙爲得力自應仍留楚省俟大

功全竣撤兵時吳熊光再按照省分將離楚最遠官兵先行遣回其餘以次裁撤可也

同日

上命軍機大臣傳諭佶山延豐馬慧裕曰現在軍務將次告竣各省辦理善後事宜需用較多著佶山於兩淮商捐本年應解項下撥銀二十二萬兩延豐於兩浙商捐本年應解項下撥銀二十八萬兩

解赴河南交馬慧裕收貯聽候撥用該鹽政等務
卽遴委妥員迅速起解並飭沿途各州縣小心護
送毋稍疎虞

<p>諸君向南安文淵堂...</p>	<p>明徵交交員及...</p>	<p>徵徵...</p>
--------------------	------------------	--------------

欽定剿平三省邪匪方略正編卷三百四十三

壬戌年

十月初九日

丁未

惠齡奏言竊

臣

與楊遇春籌剿

南山零匪節次嚴催各路鎮將趕緊搜除毋予

賊匪稍暇並傳知各路委員廣為宣諭設法招

撫以期解散賊黨楊遇春親督官兵自東面向

西逼剿

臣

亦馳赴太平石碛等峪偵探賊蹤往

來督辦連日據報總兵李應貴在朱家溝米糧

欽定三才圖會卷之三十三

寺追及賊蹤該匪一見官兵卽散竄天坑石門
溝一帶老林李應貴分兵搜捕殲斃賊匪六名
生擒一名餘賊向乾岔溝狂遁李應貴已由火
地溝四海坪抄截前往又孝義營都司馬進督
率把總柯治仁等在小岔溝搜捕遇馬二等賊
殺斃二名奪獲長矛三杆餘賊奔入老林適楊
遇春督同副將吳廷剛帶兵正從小岔溝腦壓

下直入老林搜剿殲斃十餘人生擒八名奪獲
長矛二十餘件賊匪分投逃遁入油房坪老林
楊遇春等緊跟追捕又殲斃賊匪十餘人生擒
三名餘匪二十餘人四散逃遁又叅將祝廷彪
在木門溝麥廠一帶殲斃賊匪五人擒獲朱富
劉老么等二名又通判雒昂探聞黑龍溝老林
有零匪十數人滋擾卽刻率勇趕往剿捕並派

前自賊夥投出之新勇數人入林喊諭投降免
死該匪曹正魁等十四名聞聲全數投出該通
判捐給衣帽令其隨同搜捕以備臨陣招呼賊
夥悉使投誠查該匪等既有悔罪之人自應乘
勢解散以期相率來投肅清山境臣復飛札通
飭帶兵鎮將等每與賊匪對敵必須先行招呼
投出免死毋得遽行殺戮俟陸續投出得有成

數臣再行發給免死執照分別遞籍安插又據

署鳳邠道陳學穎稟報委員段復清率領寨勇
在毛家坡截剿賊匪殺斃十餘人生擒二名又

據遊擊朱集才稟報該遊擊帶兵在土地嶺截
剿賊匪擒獲劉紹廷等二名解送留壩廳審辦

又據寧陝蓋厓等廳縣稟報寨勇搜殺賊匪並
招出難民三五名不等各等情伏查南山零匪

總以三五成羣分股散竄爲率綴官兵之計雖
經各路兵勇入林搜捕節有斬獲終未能立時
淨盡刻下將屆冬令倘再有稽延山中冰雪堅
凝辦理又致費手

臣

中懷焦急莫能名狀連日

與楊遇春晤商搜捕之策楊遇春以賊匪零星
竄匿實難期於得手惟有將該匪等逼歸一處
庶可痛剿現在漸將賊匪逼向西面琵琶嶺小

南溝等處約有一二百人湊合屯聚正可合力
剿洗楊遇春已親督官兵馳赴小南溝率同各

鎮將分路圍剿

臣

亦偵探賊蹤無論峪口內外

何處緊要卽趕赴何處設法截剿一經得手不
過一兩仗後卽可掃除殆盡至楚省竄來王樊
餘匪前經總兵喜明副將張廷楷叅將王應鳳
等節次剿殺已向川境之界嶺漆扒一帶逃遁

其竄入白河之熊翠等股匪經副都統銜富幹
副將呢瑪善在大金河截剿緊跟追殺共擒斬
七八十人餘賊分爲兩股奔逃呢瑪善所追一
股直至梨樹坪地方復經痛剿將賊匪打散又
分爲兩股其大股僅餘一二百人折回楚境其
小股二十餘人竄至瘦驪嶺林內經洵陽縣知
縣嚴如煜督率寨勇協同搜捕全數殲除并將

此股賊目王兆瑞等九名一併生擒又於境內

搜獲僞元帥方孝德並賊目王祥二名訊係傷

害署白河縣知縣黃袞之賊錄供具報前來臣

已批令將該犯等就近解送白河於黃令靈前

梟首致祭以慰忠魂再川省廣元境內之賊因

陝省西南邊界有興奎慶溥等防堵嚴密該匪

有由通江南江一帶東趨之勢臣昨接經畧額

勒登保來信現已派令提督穆克登布帶領馬
步兵勇由紫陽向太平西鄉一路進發如王樊
餘匪由東而來亦可夾攻以資兼顧額勒登保
暫紮安康紫陽一帶東顧楚境西策川省等因
伏查臣現在南山堵剿距寧羌平利邊界均各
千有餘里且中隔重山驛路紆繞得信較遲於
一切防禦機宜正恐或有緩不及事之處今額

勒登保駐扎安康平利邊界緊顧東南與奎駐
扎寧沔邊界緊顧西南使川楚餘氛不敢復萌
窺伺又有穆克登布帶兵於川陝邊界探蹤截
剿無論賊匪在川在楚俱有大兵剿辦可期以
次殲除也現在會同楊遇春督率各路鎮將趕
緊將山內零匪迅速掃除肅清腹地以期大功
一律戡定仰慰

聖懷再聞撫臣陸有仁自入秋以來染患泄瀉服藥
調理總未全愈查刻下大功將竣邊境零匪無
多現在將軍與奎前赴寧河督率防堵漢南一
帶照料有人其裁撤鄉勇一事亦經飭令陝安
道朱勲回任料理已有頭緒似可無須陸有仁
在彼駐紮且刻下楊遇春督率各鎮將在南山
搜捕所需糧餉係由西安籌運陸有仁遠駐漢

中亦難兼顧可否卽令陸有仁回駐西安照料
一切就近延醫調理以冀速痊之處伏候

聖明訓示奏入

上命軍機大臣傳諭惠齡曰此次楊遇春等在南山
一帶分投搜捕斬獲合計百數十人所剩賊匪無
幾更易剋日辦淨惟摺內稱通飭帶兵鎮將等每
與賊匪對敵必須先行招呼投出免死等語此非

正辦現當賊勢窮蹙之時所有零星竄匪多係積
年老教怙惡不悛有何可惜且所剩餘匪不過一

二百人何必預爲招致如招呼投出者係被裹難

民或脅從駭黨尙可加之寬貸倘爲首老教稔惡
已久節經曉諭此時尙敢仍前抗拒卽使招呼投
出亦不過爲一時苟免之計殊不可信惟當以上

緊搜剿爲正辦如果零匪被官兵搜剿緊急自行

投出或臨陣棄械乞命出於悔罪之誠方可寬其

一綫量爲安插萬不可先存招撫之見現據摺內

稱楊遇春督率李應貴等將賊匪逼向琵琶嶺等

處約有一二百人湊合屯聚等語賊匪旣經逼歸

一處惠齡務飭楊遇春等趁零匪屯聚之時合力

圍剿聚而殲擒不可任其再有散漫以致稽延俟

南山內零匪肅清更無一名藏匿惠齡先將南山

內情形專摺馳奏其紅裏黃面之摺總須俟川楚大局已定陝省邊界別無零星匪闖入方可拜發額勒登保現駐安康平利邊界尙在陝境紅裏黃摺當會同額勒登保聯銜馳奏設額勒登保彼時或移駐楚省卽由惠齡等奏報可也刻下將屆冬令轉瞬卽至沍寒之時務將陝境零星匪於十月內趕緊辦淨毋許再有遲延又以冰雪載塗爲詞致干

咎戾勉力速辦爲最要所奏陸有仁患病未愈一節此時大功將竣軍需糧餉等事該省本派有專員經理且惠齡係該省總督原應督辦一切陸有仁旣患病未痊儘可令其回省安心調治並料理地方公務毋庸駐劄漢中也

初十日

戊申

馬慧裕奏言竊

臣

前奉

諭旨將原防西路之兵撤出若干移防江岸此項官

兵到後將防江鄉勇畧加資遣各令還鄉至田永
桐常林二員內應令何人帶兵若干移駐江岸之
處著臣酌量情形飭知奏

聞等因茲臣於九月十八日自省起程於二十八日

行抵老河口接見藩司方維甸道員林樹芳等

詢知近口江岸一帶極爲寧謐並將撤勇事宜
面同孰籌查沿江北岸自陝西白河縣之白石

灘起至穀城縣茨河止安設營卡二十一處內
白石灘板橋河陽尾山武陽堡尖角等五處係
汝寧等營兵丁及原募開封鄉勇嗣經

奏准作爲撫標兵丁分佈巡守其餘自將軍河至
茨河止十六處俱係鄉勇共計三千一百餘名
現今楚匪將次掃蕩自應乘此官兵未撤之前
將此項鄉勇遣散歸農方爲妥協惟此時經畧

叅贊在楚會合剿捕零匪以窮而思竄未便遽令
江岸空虛或致窺伺奔逸必須移兵易勇以期
萬全無慮查南陽鎮臣田永桐駐劄黃土嶺該
鎮明慎勤幹且豫兵在楚所防江岸本在南鎮
汛地邊外而該鎮原駐之黃土嶺又係陝西商
南地方距湖北鄖陽江岸亦近情形較爲熟悉
應令該鎮移赴江岸查該鎮原共帶兵一千一

百餘名內除山西兵二百四十名現擬撤回外
實存兵八百八十餘名又都司楊光時帶兵五
百名駐守南華鎮守備李天奇帶兵二百餘名
駐守楓子堽該二處均屬腹地尙非緊要應卽
全數撤裁又荆紫關副將蔡鼎帶兵一千五百
餘名分防富水關亦可酌撥兵四百餘名共足
二千之數統歸田永桐管帶移駐武陽堡按照

營卡分別佈置其上游白石灘等處汝寧等營
兵丁照舊令遊擊楊景芬管帶駐扎下游之茨
河等處鄉勇撤後卽將原駐武陽堡之撫標兵
丁令原管之都司黃文錦知縣林嵐帶領移赴
下游分防以昭嚴密所有西路各卡隘擬合副
將蔡鼎帶領撥剩兵一千一百餘名移至黃土
嶺遊擊明德帶領原兵一千三十餘名移至富

水關遊擊吉郎阿帶兵四百餘名移至雞頭關
其吉郎阿原駐之太峪口距潼關陝川俱近毋
庸再行安兵如此按照形勢就近勻撥邊防亦
無虞單薄臣一面分札各員卽速遵照移駐一
面咨會田永桐帶兵前至江岸以便趕撤鄉勇
並遵

旨先行宣布以陝匪漸就肅清西路無須多兵惟楚

省尙有餘匪現將西路防兵移防江岸俾鄉勇
聞知毫無疑懼至江岸鄉勇三千一百餘名籍
隸鄧州新野唐縣等處均屬有業可歸可無他
慮現飭司道等先令原帶委員及首事人等查
明各該勇籍貫里居并有無親屬產業詳晰開
造清冊俟安業後卽將名冊存貯以便稽查約
束其所需賞項各該鄉勇僅止在江防守未經

隨營從征且其中有業者居多似不必過厚查
該勇等係豫省民人出防楚岸應照經畧額勒
登保奏准外省鄉勇賞銀二兩之例再爲酌減
每名賞銀一兩五錢卽於軍需項下動支按數
包封俟西路防兵移到時卽自下游茨河起向
上游以次遞撤每起多則二百名少則一百餘
名分起分口陸續起程免致擁擠卽令原管委

員帶赴原籍會同地方官按名點交沿途仍按
站給予口食以示體卹至此項鄉勇雖無桀驁
難馴之習與川陝隨征之勇不同然人數衆多
必須鄉勇素所信服人員妥爲經理查知州仇
汝瑚本係鄧州實缺團練招募深悉情形鄉勇
籍隸鄧州者甚多應飭仇汝瑚回鄧就近妥爲
安頓裕州知州單可垚在江岸帶領鄉勇多年

武陟縣知縣林嵐自西路移防江岸已經數載
素能駕馭首事等情形甚熟已令司道等督率
各該員妥協辦理各令安靜散歸其鄉勇執持
器械由官給領者十居八九亦間有首事等自
行製造者爲數無多均有冊籍可稽臨時派委
妥員卽在老河口會濟逐名收繳不致遺漏仍
將自置各械分別完損酌給價值留撥各營備

用如此籌定章程妥爲辦理則撤勇在先卽可
保相安無事錢糧亦大歸節省而江岸現留防
兵暫爲楚省聲援杜賊奔竄更可期及早殲洗
小費亦在所不惜一俟楚匪辦竣再行撤兵歸
伍似於大局有裨再從前

奏留山東山西兵一千四百名現留樂莊營盤山
東兵四百六十餘名黃土嶺營盤山西兵二百

四十名荆紫關營盤山西兵四百三十餘名楓
子堽營盤山西兵二百五十餘名在豫協防今
陝省餘匪日剿日少無須多兵堵守應卽將留
豫之山東山西兵丁全數撤回原省以節糜費
并經分飭各該省原帶官弁管領起程其沿途
供支及分起行走章程悉照成案辦理現計西
路防兵除撤回山東山西兵一千四百名并移

赴江防兵二千名外各隘口共存本省兵五千
餘名河北鎮臣常林練達勤慎結實可靠所有
西路邊防應責成常林統率調度其江防事宜
卽責成田永桐經理俱可無虞貽悞南汝光道
林樹芳熟悉楚豫邊情應仍暫留尖角營盤會
同照料俾臻妥善方維甸俟田永桐移兵前抵
江岸并將撤勇事宜妥協辦竣後卽遵

旨回省任事_臣於本月初一日拜摺後卽由荆關盧

氏一帶查看西路邊防與兩鎮臣晤商一切再
查豫省界外南接湖北西鄰陝西楚匪滋事之
初卽於鄧州唐縣新野等處團勇駐守旋經移
至界外楚省地方爲據江固守之計嘉慶二年
七月至三年冬間賊匪又屢由陝省闌入豫境
因盧氏一帶向無充勇之人亦募鄧勇前往并

於開封訓練壯勇派往防堵嗣後西路邊備漸
密而徐添德樊人傑大股賊匪多聚楚省擾及
江岸其餘各股賊匪往來奔竄亦距江岸不遠
數載以來防楚更重於防陝節經調派官兵及
開封練勇鄧州鄉勇於上下游分設營卡二十
餘處查提船隻西白鄖陽東至襄陽安陸卽未
設營卡之處亦探蹤隨處遮防統計江岸營卡

內官兵無多大半俱是鄉勇此等鄉勇究非兵
丁可比全在帶領人員駕馭得宜認真督率防
堵方能嚴密茲當大功告成議撤鄉勇之時謹
擇其管帶鄉勇始終勤奮者分別據實奏懇

聖恩鼓勵查鄧州知州仇汝瑚熟悉情形幹練勤奮
平素爲鄉勇信服武陟縣知縣林嵐訓練堵禦
約束嚴明在西路南路甚屬出力該二員均請

以同知直隸州陞用同知銜裕州知州單可壽
帶勇多年勇往出力不辭勞瘁請照原得陞銜
補用懷慶營守備張懷毓光州汛千總喬興從
則於賊匪擾及江岸時堵禦奮勇近年擇要巡
防亦甚嚴密請將張懷毓

賞給都司職銜喬興賞給守備職銜以示鼓勵中牟
縣縣丞姚苗儀封廳照磨汪瑚前曾隨撫臣吳

熊光在西路防堵續又調赴江岸一切差委奮
勉不懈請將姚甫以知縣陞用汪瑚以縣丞陞
用又大挑知縣現補靈寶縣縣丞徐蔭昌原任
西平縣知縣劉廷弼均係景安任內降用叅革
復經前撫臣倭什布陞任藩司吳璈查明尙堪
造就并無劣蹟查該二員防堵數年小心勤慎
謹將原案開單呈

覽再此外佐雜各員差委出力以及鄉勇首事人等
格外奮勉者尙多謹另摺奏陳可否一併

施恩鼓勵之處出自

聖恩奏入

上命軍機大臣傳諭馬慧裕曰此時陝省南山餘匪
疊經剿殺所剩不過一二百人現在楊遇春楊芳
李應貴等將賊匪逼歸一處由東向西剿捕不難

剋期淨盡所有豫省西路防兵除移赴江岸外其
留防各卡隘兵丁現交常林管帶著該鎮探明陝
境山內賊匪全淨即可次第撤歸回伍如有募勇
在內當先行裁撤至楚省餘匪昨接德楞泰奏報
統計不過千餘名離江岸亦遠但防堵尙須嚴密
今議以兵易勇先將防江鄉勇酌量賞給銀兩妥
爲裁撤再將留豫協防之山東山西兵丁續行撤

回一切籌定章程所辦皆妥俱著照議行馬慧裕
仍當轉飭田永桐等於沿江各卡隘嚴加防範總
須俟楚省賊匪剿淨全境肅清經畧叅贊將次凱
旋進京之時江岸防兵方可撤回原伍至方維甸
簡任藩司後尙未到任此時江岸一帶既有田永
桐前往藩司方維甸卽著回省辦理地方事務

同日

上諭內閣曰馬慧裕奏查明節年帶領鄉勇防堵出力人員一摺豫省邊界接連陝楚節經調派官兵團練鄉勇分段防禦茲當大功卽日告厥議撤鄉勇之時所有管帶鄉勇始終勤奮文武各員自應分別加恩著照該撫所請鄧州知州仇汝瑚武陟縣知縣林嵐均著以同知直隸州知州陞用同知銜裕州知州單可垚著照原得陞銜補用懷慶營

守備張懷毓著賞給都司職銜光州汛千總喬興
著賞給守備職銜中牟縣縣丞姚莆著以知縣陞
用儀封廳照磨汪瑚著以縣丞陞用大挑知縣降
補靈寶縣縣丞徐蔭昌著仍以知縣原班補用叅
革知縣劉廷弼著送部引見再降諭旨又據該撫
奏巡查江岸差委出力之試用州判樊堂試用縣
丞丁重錫試用吏目馬俊試用從九品秦丙黃枋

李成培孫葆初未八流孫逢聖均著准其於本班
先補信陽州州判捐陞知縣李仲白從九品捐陞
縣丞姚暄投効從九品余忠敏均准照馬慧裕奏
請各照本班捐足留豫差委丁憂典史捐陞縣丞
嚴浩亦准捐足分發留豫俟服闋補用該部知道
上又諭內閣曰馬慧裕奏豫省管領鄉勇首事人等
懇分別加恩等語該首事管帶鄉勇巡防江岸勤

勞數載其出力較著者自應量加恩獎著照所請
正八品銜彭騰蛟加恩以雙月正八品選用雙月
從九品丁鴻照加恩照銜分發試用文生員丁世
榮加恩賞給從九品職銜其魏允恭等五名如情
愿入伍卽著分派各營以把總外委等官儘先拔
補如不願入伍卽照銜賞給頂戴馬殿一等四名
著留營効力俟一年後照例較拔其餘旗頭等著

該撫給予執照頂戴榮身均繕造名冊咨部存案

十一日己酉陸有仁奏言連日據探報前竄安康

宴溪河王姓股匪由紫陽雙河塘一帶奔逃總

兵喜明副將張廷楷等沿途追殺擒斬甚多復

經穆克登布帶兵趕至安溝口痛加殲洗賊勢

益形窮蹙僅存二三百人由六道河界嶺一帶

逃赴川境穆克登布派兵緊躡入川追剿又前

次分竄洵陽縣境之熊姓賊匪經總兵孫清元
副將呢瑪善等追至小金河地方前後夾擊大
獲勝仗賊仍分兩股逃竄一股由紅岩寨出楊
家營孫清元緊躡追截一股由七里關竄至梨
樹坪呢瑪善緊躡截殺復得勝仗又分出小股
竄至洵屬瘦驃嶺經寨長劉國敬等集勇分投
搜剿共殲斃二十餘名生擒賊目王兆瑞及餘

匪滿長學等九名此股零匪已全數撲滅又該

縣平定河寨勇擊斃賊匪二名生擒偽元帥方

孝德陳家寨寨勇擊斃賊匪數名生擒賊目王

祥訊明方孝德卽係戕害知縣黃袞之賊臣已

飭將該犯臠割剜心致祭黃袞以慰忠魂而抒

公憤並令將此數路出力寨勇先爲獎賞仍查

明首先倡率奮勇殺賊之人隨後籲懇

聖恩量子鼓勵再據知府趙洵一路寨員張錫祺拏
獲賊目李明剛現在亦已解至漢中審辦又零

匪一股由盤屋山內竄至寶雞毛家坡臣恐該

匪竄出棧道飛飭棧內文武各員嚴密堵截旋

經寨員段復清率勇堵禦殺賊十數名生擒五

名賊卽折向東南逃竄又留壩九條灣一帶

零賊二三十人竄出老林滋擾經寨員黃綬率

男截擊殲賊數名餘匪卽翻林逃逸

臣查南山

餘匪日益零星惟恃到處潛逃苟延殘喘督臣

惠齡現在就近設法督剿

臣復商之楊遇春揚

芳於前定賞格之外再為懸立重賞鼓勵勇敢

之衆無論穿林入箐到處搜拏務期早清山境

所有各路糧餉

臣督飭源源運供不敢稍有缺

悞至西鄉等處裁撤鄉勇每日俱有遣散情形

甚爲安貼容俟彙核成數另行奏

聞再臣犬馬微疴前已上陳

天聽旬日來仍未輕減現往傳催省中畧明醫理之
人容俟另服藥劑是否相投再爲奏陳

恩鑒奏入

上命軍機大臣傳諭陸有仁曰陸有仁奏探明各
剿賊情形與前此額勒登保惠齡等節次奏報大

